

## **SLUŽBA ZA REVIZIJU FINANSIJSKOG POSLOVANJA**

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### **IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU HRVATSKE DEMOKRATSKE ZAJEDNICE BIH**

Broj: 09-07-6-683/06  
Sarajevo, 24. maj 2007. godine

## **SADRŽAJ:**

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KANCELARIJSKE REVIZIJE.....	4
Predmet kancelarijske revizije.....	4
Cilj kancelarijske revizije.....	4
Obim kancelarijske revizije.....	4
4. PRETHODNE REVIZIJE.....	4
5. NALAZI I PREPORUKE.....	4
5.1. NALAZI.....	4
5.2. PREPORUKE.....	5

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Hrvatske demokratske zajednice BiH** za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

**Politička stranka nije postupila u skladu sa odredbama člana 8. stav 1. i člana 11. stav 3. Zakona o finansiranju političkih stranaka.**

**Na osnovu našeg pregleda, odnosno revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Hrvatske demokratske zajednice BiH za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja HDZ BiH je iskazala ukupne prihode u iznosu od 1.563.098,97 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	89.625,90	5,73%
2	Prilozi fizičkih lica	20.888,86	1,34%
3	Prilozi pravnih lica	6.000,00	0,38%
4	Prihodi od imovine	2.100,00	0,13%
5	Prihodi od pr.lica	0,00	0,00%
6	Prihodi od poklona	163,68	0,01%
7	Prihodi iz budžeta	1.376.703,31	88,08%
8	Ostali prihodi	67.617,17	4,33%
	<b>Ukupni prihodi:</b>	<b>1.563.098,92</b>	<b>100,00%</b>

U godišnjem finansijskom izvještaju politička stranka je iskazala ukupne rashode u iznosu od 1.523.809,51 KM.

## 2. PREDSTAVLJANJE POLITIČKE STRANKE

Naziv političke stranke: Hrvatske demokratska zajednica BiH. Skraćeni naziv stranke je HDZ BiH.

Hrvatska demokratska zajednica BiH je osnovana 1990. godine. Politička stranka je registrovana 16.05.2002.godine u Mostaru, broj upisa 01/2001.

Sjedište političke stranke je u Mostaru, ulica Kneza Domagoja bb.

Lice ovlašteno za zastupanje stranke je Dragan Čović, predsjednik.

Lice ovlašteno za podnošenje finansijskih izvještaja za 2005. godinu je Marica Jurić.

Organizacionu strukturu prema popisu odbora HDZ BiH za 2005. godini je sljedeća:

- Glavni odbor
- 9 kantonalnih odbora
- 1 Gradski odbor
- 57 opštinskih odbora, što je ukupno 68 organizacionih dijelova.

### 3. OPIS PREGLEDA I KANCELARIJSKE REVIZIJE

**Predmet kancelarijske revizije** je godišnji finansijski izvještaj HDZ BiH za 2005. godinu i dodatna finansijska dokumentacija: izvodi iz poslovnih knjiga Glavnog odbora, kopije izvoda transakcijskog računa na dan 01.01.2006. i 31.12.2006. godine.

**Cilj kancelarijske revizije** je da revizor na bazi finansijskog izvještaja pokuša da ustanovi da li je stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskih izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

### 4. PRETHODNE REVIZIJE

Služba za reviziju je izvršila reviziju finansijskih izvještaja za 2004. godinu, o čemu je sastavljen Izvještaj o reviziji sa nalazima i preporukama i dostavljen političkoj stranci.

Na osnovu uočenih nedostataka u godišnjem finansijskom izvještaju za 2005. godinu, utvrđeno je da politička stranka nije ispoštovala preporuke iz Izvještaja. Revizija finansijskih izvještaja za 2004. godinu je rađena krajem 2005. godine, dok je revizijski izvještaj usvojen i dostavljen političkoj stranci u 2006. godinu, tj. nakon što je politička stranka Centralnoj izbornoj komisiji BiH podnijela finansijski izvještaj za 2005. godinu.

### 5. NALAZI I PREPORUKE

#### 5.1. NALAZI

a) **Na osnovu obavljenog pregleda i kancelarijske revizije finansijskog izvještaja i dodatne dokumentacije, utvrđeno je da HDZ BiH nije postupala u skladu sa odredbama člana 8. Zakona o finansiranju političkih stranaka, odnosno da je primala zabranjene priloge.<sup>1</sup>**

Prema podacima iz dodatne dokumentacije (ugovori o zakupu poslovnih prostorija za 26 organizacionih odbora) utvrđeno je da je HDZ BiH bez naknade koristila poslovne prostorije opštinskih organa uprave.

Opštinski odbor HDZ BiH Novo Sarajevo koristi prostorije opštine Novo Sarajevo bez naknade, na osnovu međustranačkog dogovora između političkih stranaka koje participiraju u Opštinskom vijeću

---

<sup>1</sup> Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije

Novo Sarajevo. Opštinski odbor HDZ BiH Konjic koristi bez naknade poslovne prostorije opštine Konjic.

**b) Utvrđeno je da je Hrvatska demokratska zajednica BiH prekršila odredbe člana 11. stav 3. Zakona o finansiranju političkih stranaka.<sup>2</sup>**

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04). Zbir podataka na pojedinačnim obrascima ne odgovara podacima iskazanim na obrascima ukupnih prihoda i rashoda.

## **5.2. P R E P O R U K E :**

*Na osnovu uočenih nedostataka preporučuje se Hrvatskoj demokratskoj zajednici BiH:*

- *da postupa u skladu sa odredbama člana 8. stav 1. i člana 11. stav 3. Zakona o finansiranju političkih stranaka.*

## **KOMENTAR**

Hrvatska demokratska zajednica BiH se dopisom broj: I-02-035/07 od 30.03.2007. godine očitovala na nalaze Izvještaja o pregledu godišnjeg finansijskog izvještaja za 2005. godinu.

Dana 19.04. i 04.05.2007. godine dostavljena je dokumentacija o postupku utvrđivanja činjeničnog stanja ulaganja u adaptaciju objekta i poravnanja između HDZ BiH i Opštine Mostar. Postupak je pokrenut tokom 2006. godine. Službi za reviziju dostavljen je i prijedlog za osiguranje dokaza vezano za korištenje poslovnih prostorija u ulici Kneza Domagoja bb u Mostaru, gdje je smješten Glavni odbor stranke. Obzirom da je u Izvještaju o reviziji godišnjeg finansijskog izvještaja za 2004. godinu i postizbornog finansijskog izvještaja HDZ BiH navedeno da je stranka primila zabranjene priloge u iznosu od 83.640,00 KM zbog neplaćanja zakupnine za ovaj prostor, a da je dokumentacija o pokretanju postupka dostavljena nakon izdavanja konačnog izvještaja za 2004. godinu, primjedba stranke je uvažena. CIK BiH i Služba za reviziju će pratiti ishod ovog spora u kontekstu primjene Zakona o finansiranju političkih stranaka. Osnovane primjedbe su uvažene i ugrađene u Izvještaj o pregledu godišnjeg finansijskog izvještaja za 2005. godinu.

Hasida Gušić, šef Službe

Sanja Čabrilo, revizor

---

<sup>2</sup>Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.